



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Matthaei Tympii Aureum Specvlvm Principvm,  
Consiliariorvm Iudicvm, Consvlvm, Senatorvm, Et Aliorvm  
Magistratvum Cvm Ecclesiasticorum tum Politicorum  
omnium**

**Tympe, Matthäus**

**Coloniae Agrippinae, 1617**

84 Studea literaru[m] etia[m] dum corpus curatur, atq[ue] adeo in publicis  
negotijs non intermittere.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

que huiusmodi certamina. His apprimè muneribus abduci, trahi, compelli animos ciuium: quã vim, atque auctoritatem, qui sibi parare cupit, necesse est eum aliquid magnificentius sentire de se. Præterea accidisse, (quod perpetuo solet) ut hoc nudo & impudico certamine, propter otium & voluptatem, mores Viennensium inficerentur. Placuit Agona tolli. *Plin. lib. 4. epist.* Vide Stimulos Virtutum lib. 1. cap. 19. & seqq.

## SIGNVM LXXXIV.

STVDIA LITTERARVM ETIAM  
dum corpus curatur, atque aded in publicis negotijs non intermittere.

1. **C.** *Julius Casar*, ne in medio bellorum furor quidem vnquam litterarum studium intermisit; neque ludos, aut alia publica munera sine lectione spectabat. Omnium testimonia Commentarij illius superant, inter armorum strepitum, ac bellorum, tum externorum, tum civilium curas scripti. *Fulgosus lib. 8. cap. 7. Plut.*
2. *Augustus* liberalium studiorum aded eracundus, ut medio Mutinensis belli ardore, (in tanta mole rerum) legeret, aut scriberet, quotidie declamaret: imò & eo tempore, quo radebar barbam, aut legebat, aut scribebat aliquid. *Sueton. Sab. lib. 1. Enn. 7.*
3. *M. Antoninus Philosophus* (ob Philosophiz excellentiam sic dictus,) Imp. ultra publicas curas, quas nunquam deseruit, (cuius rei argumentum est, quòd diu pacatum tenuit Rom. Imperium) plurimum studij litteris impendit, cum de Phi-



lofophia femper vel fcriberet, vel difputaret. Ita-  
que eius dicta fcriptaque inter Philofophos eo  
tempore magni habita fuerunt. *Fulgos. lib. 8. c. 7.*

4. *Theodoro Metochita Dromilogotheta* etfi ma-  
gna moles negotiorum & curarum incumbemat,  
nihil tamen fuit, quod eum à lectione & fcripti-  
one reuocaret. Ea dexteritate in vtrifque verfa-  
batur, vt à manè vfque ad vefperam in Palatio  
Remp. adminiftraret, tanta diligentia, tantoque  
ftudio, quafi à litteris prorfus alienus effet. Serò  
inde abiès, aded totus in litteris erat, quafi fcho-  
lafficus effet, neque cum Rep. negotij quicquam  
haberet. *Gregoras lib. 7.*

5. *Alphonfus X. Caftulonensis Rex*, quanquam Re-  
gnorum curis, gerendisque bellis occupatus ef-  
fet, affiduè tamen ftudijs operam dedit. *Fulgosus*  
*lib. 8. cap. 7.*

6. *Alexander Seuerus Imp.* in conuiujs confue-  
uit vel legentes audire, vel ipfe alijs vefcentibus  
legere. *Fulgos.*

7. *Carolo Magno* prudenti, vel coenanti hifto-  
riae legebantur, & antiquorum Regum gefa. *A-*  
*uentinus lib. 4. Annal. Boiorum, Crantz. lib. 2. Sa-*  
*xon. cap. 8.*

8. Quanquam *C. Plinius* in armis & Magiftrati-  
bus obeundis totam tranfegerit vitam, neque a-  
liquid, quod agendum effet, omiferit, tamen tam  
multa, tam doctè atque ornatè fcripfit, vt etiam  
otiofo perdifficile fit omnia, quæ is fcripta reli-  
quit, perlegere. In menfa quoque legentem audie-  
bat; imò & lectica vtebatur, vt in via vel legere,  
vel fcribere poffet. Si equo veheretur, faepe inter  
tempefates miniftrum excipere dictata iubebat.  
nepotem fuum ambulatem videns obiurgauit:

Potes



Poteras, inquit, has horas non perdere. Fulg. ibid. De Alphonso Aragonum & Sicilia Rege Pat. lib. 1. & 2. de rebus gestis Alphonfi & Fulg. ibid. De Theodosio Imp. Arcadij filio Niceph. lib. 14. cap. 3. de Roberto Hierosolymorum & Sicilia Rege? Petrarcha de studio. De Carolo IV. Rom. Imp. Aeneas Sylu. lib. 4. Cōment. in res gestas Alphol. eorū in literarū studijs diligentia honorificētissimē laudantes, Rector populi bene gubernandi rationem ex aliorum p̄ceptis colligat.

## SIGNVM LXXXV.

## STVLTVS NON DELECTARI.

**F** *R*ideticus Caesar interrogatus, an moriones ad conuiuium intromittendi essent? Neque stultis, inquit, delectari possum, neque superbis esse amicus. Aeneas Sylu. lib. 2. Comm. de rebus gestis Alphonfi.

**A** *l*fonfus Aragonum Rex, etsi liberalissimus esset, stultos tamen ac moriones ne vix quidem admittit, qui tales sunt cisternae rimosae periculosos esse dicens, quas ut nullus impleat imber, sic hos nulli, quamuis magni proventus, rerumque compendia exatiarent. Louian. Pont. de Liber.

## SIGNVM LXXXVI.

**N**ON SVPERBIRE, SEV FELICITATE nimia non efferi; sed fastum elationis et potentia cauere: nec superbire ob elegantiam corporis, nec ob eruditionem.

**S** *Y*r. 32. Rectorem te posuerunt, noli extolli; sed esto in illis, quasi vnus ex illis.